

& magnitudinis mediocris, possetque hujus loci quodvis aliud adhiberi, dummodo indicis axiculus infernae styli C D cavitati arcte satis inseratur, ut in orbem acto axiculo & index horologii & stylus dictus horarum duodecim intervallo semel præcisè circumvolvantur: Sic enim & pictum indicem cum operculo B semel revolvi intra idem temporis spatium necessum est, atque adeò horarum pictarum indicium eodem penitus modo eodemque tempore contingere cum indicio horarum in supposito horologio. Cùm enim una indicis D revolutio conjuncta simul sit cum revolutione styli DC & rotulae C, hæc autem tot præcisè habeat denticulos, quot habet ambitus operculi B; necessum est, hoc etiam unam cum indice suo picto unam absolvere revolutionem eodem tempore, quo suam absolvit rotula C ac indiculus D, & consequenter, ut integræ revolutiones sibi invicem respondent, sic partes etiam æquales singulæ concordent, atque adeò, quam horam indiculus D in facie horologii portatilis ostendit, eandem index pictus B super orbiculo A eodem momento designet.

VII. Accidit sanè gratissimum oculis hoc spectaculum, ac ditioribus, præsertim valetudinariis, insuper valde commodum accideret, si quod alias impenditur in lampades nocturnas ordinarias oleum, huc impenderetur, & laterna hæc megalographicæ lampadis nocturnæ loco haberetur, ut revera lampas est, & quidem jam tecta commodè, ut somno capiendo nihil officiat, nec aliam dormitorii partem, præter unicum in opposito pariete orbem, qui horologium pictum immotum & indicem pictum ritè mobilem distinguebat, exhibet, illustret. Quin &, si fortè fumus per laterna caminum effusus gravis futurus ægrotis aut dormientibus videatur, laterna in conclavi vicino statui sic posset, ut solus ejus tubus anterior, sive rostrum lentibus instruatum, per januæ aut parietis angustum foramen, in dormitorium scese protenderet ac horologii picturam in oppositum partie-

temp